



Dobrodošli u predškolsku ustanovu!




Zdravo!

Polazak u predškolsku ustanovu je novo i uzbudljivo vrijeme i za Vas i za Vaše dijete. Nadamo se da ćete uživati u vremenu provedenom u predškolskoj ustanovi i da će ono biti zabavno, sigurno i edukativno za cijelu porodicu.

U ovoj brošuri smo prikupili informacije i dobre savjete koji Vašoj porodici mogu pružiti dobar početak.

Ako imate pitanja, uvijek možete razgovarati sa osobljem u Vašoj predškolskoj ustanovi.

Dobrodošli!



Sadržaj

Učenje i razvoj djece su u centru

Zadatak predškolske ustanove.....	4
-----------------------------------	---

Kada Vaše dijete krene u predškolsku ustanovu

Ovako funkcionise uvodno privikavanje.....	6
--	---

Praktične informacije

Hrana u predškolskoj ustanovi.....	8
------------------------------------	---

Orašasti plodovi su zabranjeni.....	8
-------------------------------------	---

Odjeća prema vremenu.....	8
---------------------------	---

Koliko košta mjesto u predškolskoj ustanovi?	10
--	----

Ograničeno radno vrijeme.....	10
-------------------------------	----

Aplikacije koje olakšavaju svakodnevni život.....	10
---	----

Ako se Vaše dijete razboli	11
---	----

Dobar početak prije polaska u školu	12
--	----

Saradnja u svrhu dobrobiti djece	14
---	----

Organizacija i odgovornost	15
---	----

Kontakt informacije	16
----------------------------------	----

Učenje i razvoj djece su u centru

Vaše dijete u predškolskoj ustanovi uči nove stvari i razvija se igrajući se, stvarajući i istražujući samostalno, u grupama i zajedno sa odraslima.

Predškolska ustanova uključuje nastavu koja stimulira i djeci pruža izazove. Obrazovanje se zasniva na predškolskom nastavnom planu. Na razigran način koristimo dječju znatiželju i želju za učenjem. Interesi i potrebe djece utječu na to kako planiramo obrazovanje.

Više o predškolskom planu obrazovanja možete pročitati na web stranici Švedskog zavoda za obrazovanje. Plan, između ostalog, sadržava više informacija o ciljevima i zadatku predškolske ustanove.

Jednaka prava za svu djecu


Sva djeca imaju pravo na sigurno okruženje, bez diskriminacije i kršenja njihovih prava. Aktivno radimo na zaštiti prava djece i na borbi protiv svih oblika njihovih kršenja.



ABBIS




JOJO



MILLE



**Zdravo!
Mi ćemo ti
pokazati
predškolsku
ustanovu. Pođi
sa nama!**



Kada Vaše dijete krene u predškolsku ustanovu

Boravak u predškolskoj ustanovi počinje uvodom u kojem Vi i Vaše dijete imate priliku da upoznate osoblje, predškolsku ustanovu i rutine. Tokom upoznavanja možete postavljati pitanja osoblju i ispričati im o potrebama Vašega djeteta.

Nakon uvoda, postoji više prilika za razgovor i susrete sa osobljem predškolske ustanove. Evo primjera sastanaka koje možete očekivati.

- » **Dnevni sastanci** – kratak izvještaj o danu Vašega djeteta. Zakažite sastanak sa osobljem ako želite više razgovarati.
- » **Razgovor o razvoju** – o zadovoljstvu, potrebama, razvoju i učenju Vašeg djeteta.
- » **Roditeljski sastanci** – Informacije o zadacima, ciljevima i tekućim projektima predškolske ustanove.
- » **Anketa o predškolskoj ustanovi** – Jednom godišnje ćete dobiti anketu sa pitanjima o tome kako doživljavate predškolsku ustanovu. Vaši odgovori nam pomažu da poboljšamo i razvijemo našu djelatnost.

Kada je Abbis krenula u predškolsku ustanovu, u početku je njen otac je bio tamo sa njom. Zajedno su svako jutro vješali gornju odjeću na Abbisinu vješalicu.

Abbis voli da crta i u početku je Abbis često crtala zajedno sa nekim iz osoblja. U međuvremenu su se novi prijatelji naokolo igrali. Nakon nekog vremena, je Abbis poželjela da se pridruži i igra.

Abbis je tokom popodnevnog odmora bila umorna i spavala je neko vrijeme. Kada je privikavanje završilo, tata je upoznao osoblje i bio je siguran da se Abbis dobro osjeća u predškolskoj ustanovi.



Praktične informacije

Hrana u predškolskoj ustanovi

U predškolskoj ustanovi svakodnevno poslužujemo doručak, ručak i užinu. U pripremi hrane se slijede savjeti Švedskog zavoda za prehranu kako bi se osiguralo da djeca svakodnevno dobijaju hranljivu i zdravu hranu.

Da li je vašem djetetu potrebna posebna prehrana? Tada trebate na sljedećoj web stranici dati informacije o potrebama Vašeg djeteta: goteborg.se/matiforskolan.



Orašastih plodovi su zabranjeni

Zabranjeno je sa sobom donijeti i u predškolskoj ustanovi posluživati orašaste plodove, kikiriki, badem i sezam. Orašasti plodovi, bademi i sezam mogu izazvati ozbiljne alergijske reakcije. Zabrana važi kako u zatvorenom tako i na otvorenom prostoru, 24 sata dnevno.

Odjeća prema vremenu

U predškolskoj ustanovi mnogo vremena provodimo napolju i zato je važno da djeca imaju odjeću koja odgovara vremenskim prilikama. Može biti dobro da se Vaše dijete u predškolskoj ustanovi može presvući i da ima dodatnu odjeću kako bi mu uvijek bilo udobno.

Rado označite odjeću Vašega djeteta njegovim imenom.

Jojo voli hranu. U predškolskoj ustanovi Jojo jede sve što se poslužuje. Osoblje zapaža da se prijatelji usuđuju probati više kada je Jojo sa njima. Neko prvi put proba brokulu, a neko drugi uzima više sosa. Jojo je već pojeo.

Zajednički obroci su važni u predškolskoj ustanovi. Osoblje i djeca pričaju o raznim stvarima dok jedu. Kakav je oblik krumpira? Čiji je red da uzme grašak? Obrok postaje prilika za vježbanje svega, od jezika do matematike. Ali, i da se bude dobar prijatelj, čak i kada se jede.



Koliko košta mjesto u predškolskoj ustanovi?

Svaki mjesec plaćate naknadu za mjesto za Vaše dijete. Naknada zavisi od ukupnog oporezivog prihoda vašeg domaćinstva. U ukupni prihod domaćinstva su uključeni i vanbračni drugovi, koji nisu staratelji djeteta.

Vi ste odgovorni za dostavljanje tačnih podataka i važno je da što prije prijavite promjene u prihodima i zaposlenju Vaše porodice, ili ako se razvedete ili započnete zajednički život. Ako porodica nema nikakav oporezivi prihod, napišite 0 (nula) kada popunjavate podatke o prihodu.

Više informacija ćete naći na goteborg.se/forskoleavgift.

Ograničeno radno vrijeme

Mnoge predškolske ustanove se zatvaraju tokom ljeta. Ako je Vašem djetetu u tom periodu potrebna predškolska ustanova postoje predškolske ustanove koje su otvorene tokom ljeta.

Predškolska ustanova četiri puta godišnje ima studijske dane. Tada se predškolska ustanova zatvara i Vaše dijete je slobodno. Ako niste u mogućnosti da budete slobodni, Vaše dijete može ići u predškolsku ustanovu koja je otvorena i tokom studijskih dana.

Aktuelne datume praznika i studijskih dana ćete naći na stranici goteborg.se/forskola.

Aplikacije koje olakšavaju svakodnevni život

Unikum Familj

U aplikaciji Unikum Familj možete pratiti svakodnevni boravak, razvoj i učenje Vašega djeteta u predškolskoj ustanovi, direktno na svom mobilnom telefonu. Dobit ćete obavještenja o tome šta se dešava u predškolskoj ustanovi i druge važne informacije koje trebate znati.

Preuzmite Unikum Familj na App Store ili Google Play ili se prijavite na web stranicu start.unikum.net.

IST Home Skola

U aplikaciju IST Home Skola unesite vrijeme boravka Vašega djeteta u predškolskoj ustanovi. Vrijeme koje popunjavate treba biti zasnovano na Vašem radnom vremenu, vremenu kada tražite posao ili ste na roditeljskom odsustvu (uključujući vrijeme putovanja na posao).

Vrijeme boravka djece određuje kada se predškolska ustanova otvara i zatvara i kada osoblje radi. Ako trebate promijeniti vrijeme, učinite to u aplikaciji najmanje dvije sedmice unaprijed.

Ako ne možete koristiti aplikaciju, ostavite pisanu poruku u predškolskoj ustanovi. Privremene promjene možete najaviti jedan dan unaprijed. Vaše dijete je slobodno kada ste i vi slobodni.

Ako se Vaše dijete razboli

Vaše dijete mora biti zdravo da bi se moglo igrati i učestvovati u aktivnostima u predškolskoj ustanovi. Ako se Vaše dijete razboli, trebate to što prije javiti predškolskoj ustanovi. Nazovite ili pošaljite SMS poruku odjelu i registrirajte u aplikaciji IST Home Skola.

Kada Vaše dijete treba da ostane kod kuće?

- » Ukoliko osoblje procjeni da je dijete previše umorno ili slabo da bi se moglo nositi sa predškolskim aktivnostima.
- » U slučaju povišene temperature – dijete treba biti bez povišene temperature najmanje 24 sata prije povratka.
- » U slučaju zarazne bolesti.
- » U slučaju inficiranih rana ili ekcema – dijete se može vratiti kada se rane osuše.
- » U slučaju želučanih tegoba i povraćanja ili proljeva. Dijete mora normalno jesti i biti bez simptoma najmanje 48 sati.
- » Obavijestite nas kada će se Vaše dijete vratiti u predškolsku ustanovu kako bismo mogli planirati da osiguramo da u ustanovi ima dovoljno osoblja.

Uprava za predškolski odgoj slijedi higijenske rutine regije Västra Götaland.



Dobar početak prije polaska u školu

Istraživanja pokazuju da predškolsko obrazovanje ima veliki utjecaj na školovanje djece. U okruženju igre, djeca razvijaju svoje vještine u oblastima kao što je na primjer jezik.

Istraživanja pokazuju da su djeca koja su pohađala predškolsku ustanovu naprednija u jeziku i matematici kada krenu u školu.

U predškolskoj ustanovi djeca, između ostalog, uče da:

- » **sarađuju**
- » **dijelev sa drugima**
- » **rješavaju probleme**

**Čitanje razvija
dječju maštu i
vokabular.**

Mille na putu do predškolske ustanove prolazi pored objekta u izgradnji. To će biti nova sportska dvorana. Mille misli da je to uzbudljivo, jer ima mnogo toga za gledati. Tokom okupljanja, Mille priča svojim prijateljima o bagerima.

Sljedećeg dana predškolska ustanova prolazi pored objekta tako da svi mogu da vide šta se tamo dešava. Kada se vrate u predškolsku ustanovu, Mille i nekoliko prijatelja grade svoj objekt u dvorištu.



Saradnja za dobrobit djece

Sva djeca treba da imaju priliku da se razvijaju i osjećaju dobro u predškolskoj ustanovi. Uprava za predškolski odgoj zapošljava defektologe, logopede i psihologe, te sarađuje sa dispanzerom za djecu, socijalnim službama i drugim djelatnostima koje imaju kontakt sa porodicama.

Podrška porodici

Želite li ojačati odnos sa Vašim djetetom ili dobiti podršku u roditeljstvu?

ABC sastanci i drugi tečajevi pružaju savjete, zajedništvo i smjernice – digitalno ili na licu mjesta. Pročitajte više o tome šta je dostupno u Vašoj blizini na stranici goteborg.se/foraldrastod.

Ponekad je porodicama i djeci potrebna dodatna podrška, na primjer kada je u pitanju razvoj i zdravlje djeteta.

Ako čaše dijete dobiva mjere podrške iz više različitih djelatnosti, možda imate pravo na SIP (koordinirani individualni plan), pitajte o tome direktora u predškolskoj ustanovi.

U predškolskoj ustanovi imamo obavezu čuvanja tajnosti podatak

Svo osoblje u predškolskoj ustanovi ima obavezu čuvanja tajnosti podataka i ne smije dijeliti lične podatke sa osobama izvan ustanove.

Sva djeca su osigurana

Sva djeca u predškolskoj ustanovi, koja imaju prebivalište u Göteborgu su 24 sata dnevno osigurana od nezgoda. Osiguranje se odnosi samo na nezgode. Pročitajte više o osiguranju djece i učenika na stranici goteborg.se/forskola.

Organizacija i odgovornost


Uprava za predškolski odgoj je odgovorna za dvadesetak otvorenih predškolskih ustanova, oko 360 općinskih predškolskih ustanova i za približno 25.000 djece u Göteborgu.

U predškolskoj ustanovi postoji nekoliko različitih profesija koje zajedno rade kako bi djeci pružile zabavan, siguran i edukativan svakodnevni život.

Direktor ima sveukupnu odgovornost i brine se da djelatnost funkcionira kako treba. **Predškolski nastavnik** je odgovoran da nastava prati nastavni plan i program i da sadržaj bude obrazovnog karaktera. I predškolski nastavnici i **odgajatelji** potiču djecu u učenju i razvoju.

O Upravi za predškolski odgoj u općini Göteborg možete pročitati na našoj web stranici goteborg.se/forskoleforvaltningen.





Imate li pitanja?

Kontaktirajte servis za predškolski odgoj na
goteborg.se/forskoleservice

Radno vrijeme telefona od ponedjeljka
do petka je od 8–16.30

Telefon: 031-365 09 60

Kontaktni centar općine

Göteborg Ovdje možete dobiti
pomoć na nekoliko jezika.

Telefon: 031-365 00 00

Na stranici goteborg.se/forskola
možete pronaći više informacija o
predškolskim ustanovama
u Göteborgu i dati Vaše komentare
o predškolskoj ustanovi.

**Pratite Upravu za
predškolski odgoj na
Facebooku i LinkedInu
u vezi novosti i uvida
u ono što se dešava
u predškolskim
ustanovama u općini
Göteborg.**

